

Erindisbréf

Ungmennaráð Rangárþings Ytra

Um verkefni ungmennaráðs

1. gr.

Með vísan til 2. mgr. 11. gr. æskulýðslaga nr. 70/2007 ber sveitarfélaginu að hlutast til um að stofna ungmennaráð. Ungmennaráð er ráðgefandi um málefni er tengjast ungu fólki á aldrinum 14 til 20 ára í sveitarfélaginu í umboði sveitarstjórnar.

2. gr.

Nafn ráðsins er Ungmennaráð sveitarfélagsins Rangárþings ytra, hér eftir nefnt ungmennaráð.

Heimili þess er að Suðurlandsvegi 1, 850 Hellu.

Fulltrúar í ungmennaráði geta orðið þeir einstaklingar sem eru með lögheimili í sveitarfélaginu Rangárþingi ytra og eru á aldrinum 14-20 ára á árinu sem valið er. Ungmennaráð skal hafa umboð frá ungu fólki til athafna í sveitarfélaginu Rangárþingi ytra.

Ungmennaráð skal eins og kostur er hafa frumkvæði að umfjöllun mála.

3. gr.

Helstu markmið og hlutverk ungmennaráðs eru:

1. að koma skoðunum og tillögum ungs fólks til viðeigandi aðila í stjórnkerfi sveitarfélagsins,
2. að gæta hagsmuna ungs fólks t.d. með umfjöllun og umsögnum um einstök mál sem snerta aldurshópinn sérstaklega,
3. að fulltrúar ráðsins þjálfist í lýðræðislegum vinnubrögðum og læri á stjórnkerfi sveitarfélagsins,
4. að vera ráðgefandi um framtíðarsýn í rekstri félagsmiðstöðvar sveitarfélagsins,
5. að efla tengsl nemenda framhaldsskóla í Rangárvallasýslu og sveitarstjórnar með því að standa fyrir umræðu innan vettvangs nemenda framhaldsskólanna um þau mál er til hagsbóta geta verið fyrir ungt fólk,
6. að efla tengsl nemenda grunnskóla sveitarfélagsins og sveitarstjórnar með því að standa fyrir umræðu innan vettvangs nemenda grunnskólans um þau mál er til hagsbóta geta verið fyrir ungt fólk,
7. að gera tillögur til sveitarstjórnar um stefnumörkun um málefni ungs fólks.

4. gr.

Ungmennaráð tekur til umfjöllunar þau mál sem sveitarstjórn og nefndir sveitarfélagsins óska eftir hverju sinni og önnur þau mál sem ráðið telur nauðsynlegt að fjalla um í samræmi við hlutverk og markmið ráðsins.

5. gr.

Ungmennaráð hefur yfir að ráða sérstakri fjárveitingu, sem samþykkt er af sveitarstjórn við gerð fjárhagsáætlunar ár hvert, sem er varið til greiðslu nefndarlauna eða varið til þinghalds, útgáfu, fræðslu eða annars sem henta þykir.

6. gr.

Ungmennaráð starfar í samræmi við eftirfarandi samþykktir sveitarstjórnar Rangárþings Ytra.

Um skipan ungmennaráðs

7. gr.

Sveitarstjórn óskar eftir að eftirfarandi stofnanir tilnefni samtals fimm fulltrúa í ungmennaráðið og fimm til vara. Tilnefningin eigi sér stað fyrir 20. september ár hvert. Fulltrúi verður að hafa lögheimili í Rangárþingi Ytra.

- Einn fulltrúi og einn til vara sem valinn er árlega úr 9. eða 10. Bekk grunnskólans á Hellu og einn fulltrúi og einn til vara sem valinn er árlega úr 9. eða 10. bekk grunnskólans á Laugalandi. Nemendaráð skólana velja fulltrúa skólans.
- Einn fulltrúi úr Félagsmiðstöðinni Hellinum og einn til vara sem valinn er árlega.
- Tveir fulltrúar og tveir til vara sem Heilsu, íþróttu og tómstundanefnd Rangárþings Ytra velur úr hópi þeirra sem eru ekki á grunnskólaaldri. Kjörnir eru einn og tveir aðal- og varamenn til skiptis í eitt ár og hinir í tvö ár. Nefndin skal við valið hafa að leiðarljósi að þessir fulltrúar endurspegli sem breiðastan hóp þessa aldurshóps í Rangárþingi Ytra.

Starfstími ungmennaráðs skal vera frá 20. september til 10. júní, ár hvert.

8. gr.

Á fyrsta fundi ráðsins kýs ráðið sér formann og varaformann. Formaður ráðsins stjórnar fundum og sér um að allt fari þar löglega og skipulega fram. Hann úrskurðar í ágreiningsmálum, sem upp kunna að koma út af fundarsköpum en skjóta má úrskurði hans til úrlausnar nefndarinnar. Fundarmönnum er skylt að lúta valdi formanns að því er varðar fundarsköp.

9. gr.

Ungmennaráð skal funda a.m.k. tvisvar sinnum á ári auk fundar með sveitarstjórn á starfstíma ráðsins. Í mars/apríl ár hvert fundar sveitarstjórn Rangárþings Ytra með ungmennaráði. Dagskrá fundarins skal undirbúin í samráði við sveitarstjóra.

10. gr.

Verkefnisstjóri íþróttu og fjölmenningarmála er starfsmaður ráðsins. Starfsmaður situr að jafnaði fundi ungmennaráðs með málfrelsi og tillögurétt og fylgir eftir ákvörðunum ráðsins. Heimilt er að boða aðra á fundi ráðsins til viðræðna um tiltekin mál. Jafnframt skal ungmennaráð óska eftir og leitast við að verða við beiðnum um fundarsetu annarra starfsmanna sveitarfélagsins þegar það á við vegna umfjöllunar um verkefni sem tengjast verksviði þeirra. Sveitarstjóri Rangárþings Ytra hefur alltaf seturétt á fundum ráðsins með málfrelsi og tillögurétt.

Um yfirstjórn ungmennaráðs

11. gr.

Sveitarstjórn úthlutar fjárhagsramma til ungmennaráðs í samræmi við samþykktu fjárhagsáætlun sveitarstjórnar fyrir hvert starfsár.

12. gr.

Formaður ungmennaráðs hverju sinni er í forsvari fyrir ungmennaráð um tillögur og áherslur þess eftir því sem við á. Starfsmenn bera ábyrgð á rekstri og stjórnsýslu ráðsins, þ.m.t. fjármálum og framkvæmd ákvarðana þess.

Um fundarsköp ungmennaráðs

13. gr.

Um fundarsköp á fundum ungmennaráðs gilda ákvæði sveitarstjórnarlaga og samþykkt um stjórn sveitarstjórnar. Ráðið fellur undir sömu reglur og nefndir hjá Rangárþingi Ytra.

14. gr.

Fundarseta er launuð sem almenn nefnd á vegum Rangárþings Ytra, formaður fær einföld nefndarlaun og aðrir nefndarmenn hálf nefndarlaun og ungmennaráð hefur fullt forræði á ráðstöfun þess fjár sem henni er falið skv. 5. gr. samþykktar þessarar.

15. gr.

Um ritun fundargerða ungmennaráðs gilda sömu reglur og um ritun fundargerða sveitarstjórnar, sbr. samþykkt um stjórn Rangárþings Ytra. Verkefnisstjóri íþróttar og fjölmenningsmála ritar fundargerðir.

16. gr.

Um hæfi fulltrúa ungmennaráðs gilda ákvæði 20. gr. sveitarstjórnarlaga nr. 138/2011, II. kafla stjórnsýslulaga nr. 37/1993 og samþykkt um stjórn Rangárþings Ytra og fundarsköp bæjarstjórnar. Um hæfi starfsmanna ráðsins gilda ákvæði II. kafla stjórnsýslulaga nr. 37/1993.

Gildi erindisbréfs

17. Gr.

Erindisbréf þetta hefur verið samþykkt af sveitastjórn Rangárþings ytra þann 12.06.2024 og tekur þegar gildi.